

K296.4
10
26

中國地方志集成

湖南府縣志輯 ③⑧

弘治衡山縣志

光緒衡山縣志(一)

江蘇古籍出版社•上海書店•巴蜀書社

重印明弘治衡山縣志序

衡山縣志今本爲清光緒間所修其舊志存者絕尠蓋修志慣例書成之後取書其舊易新其舊者率由志局毀棄亦因前志率多猥陋無所取裁故不爲人所重觀其然余獨以爲舊志之存亦有可以考訂得失者文獻之流遺利弊之因革山川形勢之遞變皆賴援古以證今志家纂述各有別裁舊志不存終於放失矣斯固未可一概論也衡山縣志舊以爲始明嘉靖四年知縣彭簪汨鳳岑康君於京師得弘治間知縣劉熙所修乃知有前於嘉靖志三十餘年者及讀熙自序則志始於成化間前令李濤又前於弘治志二十餘年觀康君所稱若後來各志刪改韓陽重修社稷壇記後幅之文以充陳鎰重修廟學記後幅而是書則截然爲二又今縣志與嶽志所采輯詩文較此本甚多闕畧則尤此本之大勝於後志者也夫縣志三數十年必一重修以其時異勢殊詳畧棄取各有差別而現時事類多有爲舊目所不能賅舉者不但續其所有補其所無已也必從而改絃更張焉章實齋所謂事雖遞修而義同

創造也實齋精於史學於方志體例研之極深能識其大其定例大端有四一曰外紀二曰年譜三曰考四曰傳是書分目至三十餘門其不得史法無庸諱言竊謂今日修志宜少變章氏之例而用之其大綱有五一日圖凡疆域區畫山脈水道城市交通名勝古蹟悉入焉實地測量分門述造參用映相此今易於古者也二曰表以當章氏年譜文簡事賅以表爲最凡紀之不勝紀傳之無足傳而又不容盡沒者悉入焉如沿革戶口學校物產貿易選舉人物職官鄉鎮宗教等是三曰紀當史之志章氏以考易之爲全書名志也然考偏於古而畧於今不若紀之爲善凡政治輿地氏族實業教育經籍貨幣鹽法田賦稅釐風俗工藝等皆屬焉四曰傳人物之關繫較小者概入於表傳之所載必赫然而事功學問文章行誼者所以祛庸濫示謹嚴其立類則名宦名人列女流寓方外等是也其不隸各門者別立附錄並而爲五至章氏外紀以備紀皇恩慶典者今不須立今縣志將屆重修康君好學深思明習史例即其搜訪是書爲之刊布勤摯有足尙者既資之以欣其成輒附鄙意以諗康君

重印明弘治衡山縣志序

衡山縣志向以爲始明嘉靖四年知縣彭簪相沿至今已三百餘年矣癸亥之夏余供職教育部見舊志於京師圖書館其書爲弘治元年知縣劉熙重修蓋在嘉靖之前三十餘年而熙自序稱衡山縣志作於前令李濬濬以成化九年來知縣事則又在弘治之前二十餘年矣觀熙自著重修而稱濬曰作是知志始李濬更無疑矣濬書今不可見得見是書而展讀之不可謂非幸事又況熙以文儒治衡九載政績卓著其修是書蓋在久道化成之時根據濬書而取裁一統志信非苟焉者也余以一邑掌故所繫手鈔得之臘月返湘

省長夷午趙公一見歎賞以爲吾衡故籍不可使之無傳慨然捐廉助余校印余乃覆加核校見其中精華所在不獨可識邑志之淵源抑且可訂後來之闕誤如卷五韓陽重修社稷壇記陳鑑重修廟學記原本相次後來各志刪改壇記後幅之文以充學記後幅儼然成篇其爲學記與否則非所論以學校之大尙且如斯其他各門

疵類蓋不勝枚舉此可正後來之誤者也此志在嘉靖岳志未分以前縣志即岳志也故其中山川寺觀古蹟仙釋各門多本宋陳田夫南岳總勝集而詩文二類所載於岳獨多今取最近之光緒衡山縣志李元度重修南岳志與此比較計文五十一首光緒志不及其半其在岳志範圍者李志不及三分之一詩二百五首光緒志李志均僅七分之一蓋自嘉靖以來展轉裁割後遂相沿無從採入此可補後來之闕者也今舉闕誤之大者及餘管見所及悉著案語而詩文則於題下注明光緒志李志有無或略或誤或有異同以備查考間有他志出入不復詳注以嘉靖以後各志既不能盡見勢難溯其緣起故祇據最近者立言也李志前獻門有以詩文存人之例今觀所闕各詩文中如韓陽周叙黃襄敏鎬朱簡恭英屠襄惠瀟諸公之忠勳姚鏞王偁畢田陳鐸傳與礪黃宗載諸公之文學簡册昭垂游蹤不著卽無詩文尙當引重況益以詩文之美乎故採自唐以來事跡最著爲李志前獻所不及者三十餘人分繫本人詩文之後卽以爲詩文重此又校勘之餘表彰之微意也原書六卷明

刊明印本每葉二十四行行二十三字遇國朝處擡頭茲改用活版行三十二字不
擡惟卷第及脫簡闕字則一仍其舊不敢移易臆補排印既竣用述校勘顛末以期
無負

省長提倡舊籍之盛心世有好古之士當不以爲一隅之志而少之矣

中華民國十三年夏正歲次甲子二月初十日衡山康和聲識於長沙梧莊

書重修衡山縣志

大明一統志所以志天下郡縣之事也郡縣之事郡縣亦各有志合而進之於朝此一統志之所以作也一統志既本於郡縣所上者會萃而成則其綱目次第皆經當時宗工鉅手足以垂世立範而爲郡縣之志者不宜苟爲異同吾夫子從周之意蓋如此也衡山縣志作於前令滁陽李濤源潔其用心非不勤且遠矣然求其合於一統志者僅十之五六此所以啓郡使者金華戚公之歎也公以今年春行部至衡山以爲觀民之風莫先於圖經於是得覩此志深有不愜意處乃就中摘指數事示予謂宜推類改正噫宋人久藏燕石以爲至寶一旦遇識者胡盧而笑之正此謂也予承命惟謹退而延訪一二儒碩相與考校本之以舊志而去其重複刪其繁亂參之以他書而正其謬誤補其闕畧而凡綱目次第則一遵一統志而加詳焉蓋勢不得不然也嗟乎衡山爲縣以負衡山得名縣雖小而名則重者以衡山故也衡山爲天下五岳之一實江以南之名山巨鎮天下之人慕其勝莫不願遊其間以償夙志然

卒有不能遂其願者獲游目於縣志則凡山川之靈景物之美風俗之厚人材之盛與夫古昔帝王之奇秘方士異人之遺踪當代御製之碑文名賢鉅公之題詠皆可坐而得之矣雖未遊猶遊也若然則志之為書豈可苟同尋常郡邑而不加之意哉宜乎公之發此歎也不然燕石之寶庸有窮乎今此志重修非舊本無以為據非一統志無以為法非公之明見亦無以啓其端而為此舉夫集此三善幸以成書雖不自知其為可否則於一統志僅有合焉則於為下不倍之道亦庶乎有以得之矣遂書此以引其端

弘治元年歲次戊申春三月之吉承事郎知衡山縣事南昌劉熙書

衡山縣志序
志之為書豈可苟同尋常郡邑而不加之意哉宜乎公之發此歎也不然燕石之寶庸有窮乎今此志重修非舊本無以為據非一統志無以為法非公之明見亦無以啓其端而為此舉夫集此三善幸以成書雖不自知其為可否則於一統志僅有合焉則於為下不倍之道亦庶乎有以得之矣遂書此以引其端

衡縣山志目錄

卷之一

建置沿革 疆域 里至 形勝 風俗 山川 城池 防鄉市井

卷之二

土產 戶口 田賦 土貢 課程

卷之三

公署 學校 書院 職役 倉廩 惠政 宮室 舖舍 關梁 寺觀

祠廟 壇壝 陵墓 古蹟

卷之四

宦蹟 流寓 人物 科舉 歲貢 吏員 列女案此門原本有目無書 仙釋

卷之五

文

卷之六

卷之六

神皇正統記 卷之六 天皇 神代卷 神代卷 神代卷

卷之六

神皇正統記 卷之六 天皇 神代卷 神代卷

神皇正統記 卷之六 天皇 神代卷 神代卷

卷之六

神皇正統記 卷之六 天皇 神代卷 神代卷

卷之六

神皇正統記 卷之六 天皇 神代卷 神代卷

卷之六

神皇正統記 卷之六 天皇 神代卷 神代卷

衡山縣志卷之一

承事郎湖廣衡州府衡山縣知縣南昌劉熙重修

湖廣衡州府衡山縣儒學教諭馬平何紀編輯

湖廣衡州府衡山縣儒學訓導廬陵王肇校正

建置沿革

衡山縣地在禹貢荊州之境天文翼軫分野鶉尾之次本周麋子國春秋時爲楚秦并天下隸長沙郡漢封爲長沙國湘南縣地三國吳置衡陽縣隸衡陽郡其地在今兜率寺側距今縣治二十里晉改曰衡山隋以湘西湘鄉二縣省入隸潭州大業六年遷治於白馬峯下唐神龍三年御史馬懷奏復舊治其後又以水患改遷白茅鎮南臨湘水百二十步卽今縣治也晉天福五年隸潭州未幾復隸衡州宋乾德三年又隸潭州淳化三年復隸衡州四年因茶鹽制置使雷有終請遂定爲潭之屬縣本朝洪武初仍隸衡州府編戶三十二里後併爲一

十七里在城一廂在外六鄉分一十六里

疆域

東西廣一百六十里南北袤一百八十里

里至

東至攸縣地名井衝為界一百二十里西至衡陽縣地名九渡鋪為界四十五里南至茶陵縣地名黃茅鋪為界一百五十里北至湘潭縣地名柘塘鋪為界三十五里

東到攸縣一百八十里西到衡陽縣一百里南到茶陵縣一百九十里北到湘潭縣一百八十里東南到醴陵縣九十五里西南到安仁縣二百三十里東北到善化縣二百八十里西北到湘鄉縣一百八十里

本府陸路一百里水路一百六十五里

湖廣布政司陸路案此處里數原闕

南京水路三千一百一十五里陸路二千七百里

京師水路六千五百六十里陸路五千一百里

形勝

南臨湘水北負開雲衡岳諸峰磅礴蜿蜒三面環拱如城湖以南郡縣之治雄壯奇勝莫有能過之者歐陽永叔云山川秀麗稱衡湘豈虛語哉

風俗

舊志云衡山山澤相間地多閒曠民以耕漁爲業無巨富之家湘中記云其俗有舜之遺風寰宇記云人多純樸國朝聖化漸被四民各安其業尙義趨事貢賦以時而儒風頗盛

案康熙蕭志論風俗云衡自有宋以來朱張諸大儒嘗讀書倡道於南岳其流風餘韻二百餘年不衰迄明而王陽明湛甘泉鄒東廓羅念菴諸先生後先講學於其地兼以彭石屋鄧柱瀾諸君子相繼爲衡令一以敦教化美風

俗爲先務以故士豪儁而好禮有廉讓獨行之節民醇慤而畏法無椎埋告
訐之奸其俗亦駸駸乎近古矣考王湛鄒羅及彭鄧諸先生來衡俱在此志
以後而當此志時衡山士庶全被朱張諸大儒之遺化所稱尙義趨事而儒
風頗盛豈不信然哉志未述及所以致此之由故爲之推論如此

山川

衡山爲諸山之宗全楚之鎮高極萬丈根盤千里七十一峯遠揖近拱獻奇呈秀
東距洞庭西隣永寶南接九疑之野北控三湘之地岳神廟在山之麓朱子地
理論云岷山之脉其一支爲衡山者已盡於九江之西九峯蔡氏云江漢南之
山則岷山之脉其北一支爲衡山而盡於洞庭之西

案衡山即南岳此條所稱衡山包下所志山嶺及七十二峯

楊山在縣南四十里自岳山分脉臨茶陵江下有楊山侍郎廟廟前有潭極深山
上有雲氣遇旱禱雨立應

淨福山在縣南十五里近江下有韋宙書院

靈山在縣南興樂鄉三十都地名草市上有靈山三德侯廟前有茶陵安仁二河
環繞山多楠木每遇旱澇鄉民祈禱有應

開雲嶺在縣治北當中紫峯分脉昔韓文公謫潮陽過衡欲謁岳適值陰雨登此
望岳默禱須臾雲開天霽遂賦詩以紀其事嶺因以名後人立開雲樓於其上
韓詩見詩類

拋石嶺在縣東南十里自曉霞峯分脉世傳昔有游仙過此拋聚亂石以紀經行
故名

弛馬嶺在縣北十里自吐霧峯分脉當湘潭路山多苦竹林深泥滑馬至此亦力
弛故名

桐木岡在岳路五里自巾紫峯分脉爲邑之近郊芻蕘者往焉

案以上志山嶺及岡